



26.01.2021

Inatsisartut suleriaasianni § 37 imm. 1 naapertorlugu Naalackersuisunut apeqquiti imaattut matumuuna saqqummiuppara.

Naalackersuisunut apeqquiti:

Inatsisartut Ombudsmandiat 2020-mi ukiumoortumik nalunaarutaa pillugu apeqquiti:

- 1. Inatsisartut Ombudsmandiat 2020-i ukiumoortumik nalunaarutaani ilaatigut pissutsit innuttaasunik sullissinermi kommunit atortittagaat malitassat amerlasuut uniorlugit pisarnerit Naalackersuisut qanoq iliuuseqarfiginiarpaat?**
- 2. Nunatsinni innuttaasunik pisortat allallu oqartussaqaarfiit sullissinerat eqqarsaatigalugu ataatsimut isigalugu ilumut isumannaatsumik innuttaasut sullinneqartarnerat ingerlanneqartarnerisooq assut nalorninarartoqartoq Ombudsmand-ip nalunaarutaani saqqummiunneqartut pillugit oqaatigerusupparput. Pissutsit taamaannerat Naalackersuisut qanoq isumaqarfigaat?**
- 3. Utoqqaat sullinneqarneri pitsaaanngitsut, isumaginninnikkut ajortumik ilungersunartumik sullissinerit, pisortanik ikiorsiissutit pillugit eqqunngitsumik paasissutissiisarneq, meeqqat pillugit suliat aammalu angajoqqaat ilanngullugit ullorpassuit utaqqisitsisarnerit ilanngullugit, kiisalu siusinaartumik sulisinnaajunnaarnerisuteqalernissat pillugit qaammaterpassuarni ilaatigullu ukiorpassuarni utaqqisitsisarnerit ilanngullugit Naalackersuisut qanoq iliuuseqarfiginiarpaat?**
- 4. Innuttaasut saaffiginnissutaat ilaatigut akineqassanatik, ilaatigullu sivisoorujussuarmik utaqqiseqqaarlugit akineqartarsimasut. Tamanna pissuseq akuersaarneqarsinnaanngilaq. Aammalu inunnut sullinneqartunut ilaatigut**



Naleraq

oqaasiinnarmik kommuninit akissuteqarnermi apuussisoqartarsimalluni. Tassami tamatta nalunngilarput pisortatigoortumik saaffiginnikkutta uppernarsaatitalimmik akuerineqarsimanersut itigartinneqarsimanersulluunnit innuttaasut pappiarartallimmik akineqartussaataasut. Taamaattoqartannginnera Naalakkersuisut qanoq isumaqarfigaat?

- 5. Allaat aamma ersarissumik apuunneqarpoq kommunit Ombudsmandip innuttaasunik saaffigineqarluni paasissutissanik kommuninut pissarsiniartarnerit assut ilungersunarlutillu kipiluttunartarsimasut, aatsaallu saaffiginnissutit arlaleriaqqaarlugit paasissutissanik pissarsisarsimallutik Naalakkersuisut ulluinnarni kommunit sulinerat nakkutigisussaavat. Pissutsit taamanneri Naalakkersuisut qanoq isumaqarfigaat?**

(Inatsisartunut ilaasortaq Jens Napätôk')

Tunngavilersuut:

Ukiuni arlalinni Ombudsmandip nalunaarutaa innuttaasut sullinneqarnerannik ingerlatsiviit aammalu pisortat, kommunit, oqartussa qarfiillu sullissinermi innuttaasunut malittarisassaasa maleruartuarneqaannannginneri assut ilungersunartunik imaqartarpoq ilaatigut pissutsit allaat uteqqiattutut taaneqarsinnaallutik. Tassami amerlassutigut takusarparput inatsisartuni saqqummiunneqaraangat Naalakkersuisut ombudsmandip tusaatissatut tiguneqarnissaa inassutigisarpaat. Tamannalu taamatuinnaq ingerlasinnaanngitsoq takusinnaavarput pissutsimmi innuttaasunik sullissinermi pitsaanerulersinneqassappata taamaatuinnaq pisortat ingerlatsivii, kommunit, oqartussa qarfiillu allat innuttaasunik sullissinerlunnerat ingerlaannarsinnaanngimmat. Apeqqutit ullut suliffiit qulit qaangiutinngit akineqarnissaa kissaatigaara.